


حسام حبيب يرفض لقب "صوت مصر" لشيرين ويكشف أسرار علاقتهم



ابدى الفنان حسام حبيب عن رفضه لتلقيب النجمة شيرين عبد الوهاب بـ"صوت مصر"، مشيراً إلى أن: "لو كانت شيرين صوت مصر سوف يغير جنسيته المصرية".

وقال حسام حبيب إن: "حفلة شيرين عبد الوهاب كانت بكم وبقت بكم لما دخلت حياتها؟ وأنا ساعتها مكنتش بشتغل حفلات، أنا معملتش حفلة ولا أغنية، عشان أنا أدبت اللي أدامي كل حاجة، كانت هي قضيتي وهي طموحي، وبت لي في وقت كانت متكسرة فيه وطلبت هي إننا نتجوز، هو أنا كنت بحب شيرين يا جماعة".

وأضاف حسام حبيب، كان أجرها كم قبل 2018 وبقى أجرها كم؟ وكان عندها ألبومات ملكها ولا لأ، أنا كان لي دور ولو هي عايزة تنكره تنكره، لكن ما فهمش الناس إنه كان مانعني، تقول للناس إيه اللي تخنها؟ أنا مقدرش أقول، اقسم يا لو مطلعتش تقول واقعة واقعة عن كل اللي اتهمتني فيهم وبإثباتاتها، هحكي الحكاية بتفاصيلها بشهودها بإثباتاتها بمحاضرها بكل حاجة.

واستكمل حسام حبيب: "ولو دي صوت مصر وبالسلوك ده، هغير جنسيتي بكرة".

وتابع حسام حبيب: "الفضل □ أوّلا وأخيراً، لكن أنا كنت جزء من نجاحها وعودتها للساحة بقوة، حفلاتها زادت، وأجرها زاد، وده مش كلامي، دي أرقام وإثباتات، وأنا مش بندم على اللي عملته، بس اللي بيحصل ده مش عدل".

ومن ناحية أخرى، كشف حسام حبيب عن اقتراب موعد إطلاق ألبومه الجديد الذي يتعاون فيه مع كبار صناع الأغنية بالعالم العربي من شعراء وملحنين وموزعين.

وكان الفنان حسام حبيب قد أطلق مؤخرا أغنية "كدابه" التي حققت نجاحا وانتشارا كبيرا حيث تصدرت تريند مواقع التواصل الاجتماعي.